



Nr. Prot. 267

Tiranë, 26/06/2018

**Kriteret dhe procedurat për pranimet në raundin e I-rë
në programin e studimit në *Ekonomi Ndërmarrjeje*
për vitin akademik 2018 – 2019**

Kuotat dhe kriteret e pranimit

Për vitin akademik 2018- 2019, për programin e studimit në *Ekonomi Ndërmarrjeje* do të vihen në dispozicion 60 kuota për kandidatët shtetas shqiptarë.

Për pranimet në raundin e I-rë do të vihen në dispozicion 50 kuota.

Për programin e studimit në *Ekonomi Ndërmarrjeje*, kandidatët do të vlerësohen për njohuritë e përgjithshme të fituara gjatë shkollës së mesme.

Vlerësimi i njohurive në raundin e I-rë do të zhvillohet në datën **22 Gusht 2018, ora 16:00**, pranë Universitetit Katolik "Zoja e Këshillit të Mirë", Rr. Dritan Hoxha, Kompleksi Spitalor Universitar "Zoja e Këshillit të Mirë".

Aplikimi

Në vlerësimin e njohurive të raundit të I-rë do të marrin pjesë kandidatët që:

1. kanë plotësuar formularin A1 (Matura Shtetërore 2018) ose A1Z (kandidatët që kanë përfunduar arsimin e mesëm përpara vitit 2017-18) në portalin online të Maturës Shtetërore;
2. kanë përzgjedhur programin e studimit në *Ekonomi Ndërmarrjeje* të Universitetit Katolik "Zoja e Këshillit të Mirë" në portalin online U-Albania <https://ualbania.arsimi.gov.al/>, në datat 30 Korrik - 4 Gusht;
3. janë të renditur në listën e kandidatëve që kanë përzgjedhur programin e studimit në *Ekonomi Ndërmarrjeje*, të cilën Universiteti e merr nga portali U-Albania brenda datës 10 Gusht 2018, sipas përcaktimit të Udhëzimit nr.18 dt.21.05.2018 të Ministrisë së Arsimit, Sportit dhe Rinisë (MASR).

Lista e kandidatëve do të afishohet në ambientet e Universitetit dhe do të publikohet në faqen zyrtare www.unizkm.al në datën **10 Gusht 2018**.

Pjesëmarrja në vlerësimin e njohurive

Për të marrë pjesë në vlerësimin e njohurive, brenda datës **22 Gusht 2018 ora 15:00**, kandidatët duhet të:



- **plotësojnë një formular online** në linkun: admissions.unizkm.al, duke bashkëlidhur kopjen e kartës së identitetit ose pashaportës. Në fund të procedurës formulari shkarkohet, printohet¹ dhe firmoset nga kandidati;
- **paraqiten pranë Zyrës së Pranimeve** të Universitetit për të paguar tarifën e regjistrimit prej 2.000 lekë dhe të dorëzojnë formularin e firmosur.

Pjesëmarrësit duhet të paraqiten pranë Sekretarisë Mësimore 30 minuta përpara fillimit të vlerësimit të njohurive dhe duhet të jenë të pajisur me një dokument identifikimi (kartë identiteti ose pashaportë).

Vlerësimi i njohurive bëhet në bazë të dy elementeve, me një total prej 50 pikësh si vijon:

1.	<i>Përlllogaritja e notës mesatare të përgjithshme të shkollës së mesme</i>	30 pikë
2.	<i>Vlerësim me shkrim mbi njohuritë në Gjuhën Italiane</i>	20 pikë
Total		50 pikë

Renditja e kandidatëve do të bëhet mbi bazën e rezultateve finale individuale, duke ndjekur rendin zbritës të pikëve të fituara.

Lista e renditjes së kandidatëve me ID-në përkatëse do të afishohet në ambientet e Universitetit dhe do të publikohet në faqen zyrtare www.unizkm.al brenda datës **28 Gusht 2018**.

Proçesi i regjistrimit

Në datat **30 Gusht deri 12 Shtator 2018**, nga ora 08:00- 16:30 të gjithë kandidatët e raundit të I-rë që janë shpallur fitues, mund të regjistrohen me dokumentacion pranë Sekretarisë Mësimore. Sipas Udhëzimit nr.18 dt. 21.05.2018 të Ministrisë së Arsimit, Sportit dhe Rinisë, kjo periudhë është e ndarë në 7 faza 48-orëshe. Kandidatit të shpallur fitues i dërgohet një e-mail nga Sekretaria Mësimore ku janë të detajuara dokumentacioni i nevojshëm për regjistrim dhe afati 48 orësh i kandidatit. Kur kandidati është shpallur fitues, ai duhet të paraqitet pranë Sekretarisë Mësimore brenda afatit 48-orësh. Nëse kandidati nuk regjistrohet brenda afatit 48-orësh, ai humbet të drejtën e regjistrimit për programin e studimit në *Ekonomi Ndërmarrjeje* dhe Sekretaria Mësimore thërret automatikisht kandidatin tjetër. Këto faza vijojnë deri në plotësimin e kuotave dhe përfundojnë në datën 12 Shtator 2018.

Nëse gjatë këtij proçesi do të konstatohen kuota të paplotësuara dhe nuk do të ketë kandidatë në pritje, do të rikthehen në garë kandidatët e shpallur fitues në fazat paraardhëse që nuk rezultojnë të regjistruar në programe të tjera studimi.

¹ Në pamundësi të printimit, plotësimi i formularit do të kryhet në momentin e paraqitjes pranë Zyrës së Pranimeve për kryerjen e pagesës.



Për t'u regjistruar, kandidatët duhet të dorëzojnë pranë Sekretarisë Mësimore personalisht ose nëpërmjet përfaqësuesit të autorizuar me prokurë nga ana e tyre, dokumentacionin e mëposhtëm:

- Mandatin e kryerjes së pagesës së kështit të parë apo të kështit të plotë të tarifës vjetore të studimit (urdhërpagesa për t'u paraqitur në bankë, shkarkohet nga portali studentit, zëri Tasse);
- Diplomën e Maturës Shtetërore (origjinale) dhe fotokopjen e noterizuar të saj;
- Lista e notave (origjinale) dhe fotokopjen e noterizuar të saj;
- Vërtetim mjeko - ligjor;
- Çertifikatë familjare;
- Vërtetim banimi;
- 2 foto.

Pranë Sekretarisë Mësimore do të plotësohen gjithashtu:

- Kërkesa e regjistrimit (mund të shkarkohet edhe nga portali studentit);
- Deklarata e paraqitur në Shtojcën nr. 1 të Udhëzimit nr. 18 dt. 21.05.2018 (mund të shkarkohet edhe nga portali studentit);
- Kontrata e regjistrimit;
- Formulari i shkarkuar nga portali U-Albania.

Proçesi i çregjistrimit

Kandidati ka të drejtë të çregjistrohet vetëm më datë 13 shtator 2018. Ai paraqet një kërkesë për çregjistrim pranë Sekretarisë Mësimore duke tërhequr dokumentet e dorëzuara. Nëse nuk e kryen këtë veprim brenda kësaj date, ai nuk ka të drejtë ta ndryshojë programin e studimit për këtë vit akademik. Çregjistrimi kryhet në portalin U-Albania dhe pranë Sekretarisë Mësimore.

Informacionet në lidhje me zhvillimin e vlerësimit të njohurive për raundin e II-të në programin e studimit në *Ekonomi Ndërmarrjeje* do të komunikohen në vijim nga Zyra e Pranimeve.

Rektori

Prof. Bruno Giardina

